

# U Palazzu Verdi

In u palazzu verdi  
Se ùn trovi l'aceddi,  
Poi infattà un cundannatu stranu :  
A so barba hè incasciata,  
U fucili hè armatu,  
Tali Falcina in a so rialtà.

'Ssu palazzu abbaglianti,  
Trà a vita è a morti,  
Hè fruntiera scura pà l'umanità.  
Ùn hè micca sguaiata  
È mancu dizgraziata,  
Antica prova di a dignità.

Cusì ferma l'intesa,  
Chì silenziu è attesa  
Sò i cumpagni di l'eternità.  
Da chì u mondu hè mondu  
Da u celu à u prufondu,  
Lamentu mutù di a lialtà.

Aldilà di u ventu,  
Aldilà di u tempu  
Cresci, furiosa, a voglia di campà.  
Di petra è di saetta,  
D'onori è di vindetta,  
Tremenda stà l'ugnula vulintà.

*Mathieu Casanova / Michel Tomei*